



gazeTi gamodis
1931 wl is 5 ianvridan

კ ლ ი ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება
ფასი 20 თეთრი

26 მაისს, ქუთაისში პარლამენტის ახალი შენობა გაიხსნა



შენობაში და ახალ გარემოში მუშაობის გაგრძელება მოულოცა. პრეზიდენტის მისვლამდე პარლამენტის თავმჯდომარემ რამდენიმე წუთით ტექნიკური შესვენება გამოაცხადა. სწორედ ამ შესვენების დროს შეუერთდნენ კოლეგებს ქრისტინა-დემოკრატი. პრეზიდენტის მისვლამდე გააარა წითელი ხალიჩა მისმა ოჯახსაც.

ახალ შენობაში, პარლამენტის პირველი სხდომა საქართველოს პინით გაიხსნა.

პარლამენტის საზეიმო სხდომის ჩატარება განხორციელებული რეგლამენტით დაიგეგმა. სიტყვით მხოლოდ საქართველოს პრეზიდენტი გამოვიდა. 40-წუთიანი მიმართვის შემდეგ, დებუტატებმაც და მიწვეულმა სტუმრებმაც ისევ წითელი ხალიჩა გააარეს და აღლუმზე ავტობუსებით გაემართნენ.

საქართველოს პრეზიდენტმა მიხეილ სააკაშვილმა ღირსების ორდენებით დააჯილდოვა ავღანეთში დაჭრილი მეთაურის, ოზურგეთელი ვიცე-პოლკოვნიკ ალექსანდრე ტულუმის მშობლები თინა ვოგუაძე და ზურაბ ტულუმი, ხოლო გურიის ყოფილი გუბერნატორი, საქართველოს რეგიონული განვითარების და ინფრასტრუქტურის მინისტრ რამაზ ნიკოლაიშვილის წმინდა გიორგის ბრწყინვალეობის ორდენი გადასცა.



საქართველოს ახალი საპარლამენტო დელაქაჯი აქვს - საკანონმდებლო ორგანოს ახალ შენობაში 26 მაისს პირველი საზეიმო სხდომა გაიმართა.

ორი წლის განმავლობაში, ნაგებობაზე 2 ათასი მშენებელი მუშაობდა. ბოლო სამუშაო კი, სიმბოლურად, საქართველოს პრეზიდენტმა შეასრულა. მან, პარლამენტის თავმჯდომარესთან ერთად, შენობის ფასადზე ბოლო შუშა ჩასვა.

ამ სიმბოლური აქტით, პარლამენტის შენობა ქუთაისში საზეიმოდ გაიხსნა. სესიას არა მარტო დებუტატები, არამედ დიპლომატიური კორპუსის წარმომადგენლები, სასულიერო პირები და სხვა მიწვეული სტუმრებიც ესწრებოდნენ. ქუთაისში პირველი რესაუბლიკის დამფუძნებელთა ოჯახის წევრები მიიწვიეს. სხდომას დაესწრო ნოე ჟორდანიას შთამომავალიც.

პარლამენტის ახალ შენობასთან, წითელ ხალიჩაზე, პირველი თბილისის მერი გამოჩნდა. ვიგი უგულავას შემდეგ, საკანონმდებლო ორგანოს ახალ შენობაში უპირველესობის წევრები შევიდნენ.

დებუტატებმა სასესიო დარბაზში საკუთარი ადგილები მოებნეს და მგვიდებზე დამონტაჟებული მიკროფონებიც შეამოწმეს.

სხდომის დაწყებამდე, დებუტატებს პარლამენტის თავმჯდომარე მიესალმა. დავით ბაქრაძემ კოლეგებს ახალ

1 ივნისი - ბავშვთა დაცვის საერთაშორისო დღეა



ბაბრიელ გოგოლაძე



თამარ ბაქანიძე



თაპო მახარაძე



ბაბრიელ სვანიძე



ანამარია მახალაძე



თათია სარიშვილი



ლიზი ხანთაძე



მარიამ მხავერძაძე



ანასტასია მარაძე



ბესო მელიქაძე

ოზურგეთის მუზეუმი განახლებული ექსპოზიცია „კველი ოზურგეთი“ გაიხსნა

26 მაისს, საქართველოს დამოუკიდებლობის დღეს ოზურგეთში არაერთი ღონისძიება ჩატარდა. კულტურისა და დასვენების პარკში ფოლკლორული ანსამბლების კონცერტი ჩატარდა, სპორტის სასახლეში-ტურნირი ფრენბურთში, გოლდერძი მასარაძის გინესის მორიგი რეკორდის დამყარება და ა.შ.



26/05/2012

ოზურგეთის მუნიციპალიტეტის ისტორიულ მუზეუმში კი ამ დღისადმი მიძღვნილი განახლებული ექსპოზიცია „კველი ოზურგეთი“ გაიხსნა. ათეულობით ფოტოსურათი და მხატვარ ლადო მალაზონიას ნახატები ქ. ოზურგეთის XX საუკუნის დასაწყისს, 30-იან, 50-იან და 60-იან წლებს ასახავს. ახალი ფოტოგამოფენა უდაოდ დაინტერესებთ ოზურგეთის ისტორიით დაინტერესებულ პირებს.

გოლდერძი მასარაძე მორიგი მსოფლიო რეკორდი დაამყარა

26 მაისს, ოზურგეთის სპორტის სასახლეში მრავალგზის მსოფლიო (გინესის) რეკორდსმენმა, ექსტრემალური სპორტის დიდოსტატმა გოლდერძი მასარაძემ მსოფლიო საგინესო-სარეკორდო ასპარეზობა გამართა. გინესის მსოფლიო რეკორდების წიგნის დებულებით მოქმედი მსავსა კოლეჯის თანდასწრებით თავზე გაჩერებული ბურთით 6300 მეტრზე გააარა და მნიშვნელოვნად გააუმჯობესა აშერიკელ აბრამ მუსონის რეკორდი, რომელიც 4444 მეტრს შეადგენდა. მუსონმა რეკორდი 2009 წლის 9 აგვისტოს დაამყარა.



7 დღის ამინდის პროგნოზი

	ღრუბლი, წვიმა +18+26		ღრუბლი +16+26		ღრუბლი +17+27		წვიმა +16+21		წვიმა +16+20		წვიმა +14+22		მზა +14+21
28 მაისი ორშაბათი	29 მაისი სამშაბათი	30 მაისი ოთხშაბათი	31 მაისი ხუთშაბათი	1 ივნისი პარასკევი	2 ივნისი შაბათი	3 ივნისი კვირა							

ჩაფიქრებული გლეხი – ჩაფიქრებული საქართველო

თეზურ ბაძანიძე

ბევრი რამ გარდაუვალა ადამიანის ცხოვრებაში: ახალი წელი; გარდაუვალა ზაფხული, რომელიც „გარდაუვალად“ გაზაფხულის შემდეგ დგება; გარდაუვალა ლამაზი დილა, რომელიც ხშირ შემთხვევაში, ბნელ-ჯავრისფერ ღამეს მოსდევს; დიახ, ბევრი რამ არის გარდაუვალი... ზემოთ ხსენებულიდან, რომელიმე რომ გამჭრალიყო ადამიანის ცხოვრებიდან, ან დაგვიანებით დამდგარიყო, მაგალითად ახალი წელი- სამ წელიწადში ერთხელ, ამას კიდევ შეეგუებოდა გურული გლეხის ფსიქიკაცა და აზროვნებაც, მაგრამ ის, რომ დაუდგებოდა დრო და სიმინდის ყანას არ დათესავდა, ამას ვერც კი გაიფიქრებდა- შეუსაბამო იყო მისი აზროვნებისთვის, ახალ წელს შეხვედროდა ცარიელი ნალით... ისე იყო გლეხის ორგანიზმში შეჭრილი ყანასთან ჭიდილის სიყვარული, მისი ხელებითა და თვალებით ფერება, რომ ზემოთ ხსენებული ნალიის მოხელე-ღურგლებიც კი არსებობდნენ და სხვათაშორის მრავალად.

„დრო და სამყარო ცვალებადი“, რომ ყოფილა მართლაც, ამაზე ის დაუნახავდა-დაუთესავდა ფართობები მეტყველებენ, რომლებიც ძალიან მომრავლდნენ ბოლო პერიოდში და მათზე, შეგუებული მხერა არა სწორი იქნებოდა იმ ხალხისგან ვისი სიტყვაც რაღაცას წყვეტს, ვისაც ოდნავი კავშირი აქვს აქაური გლეხობის ყოფაცხოვრებასთან... ამ ფართობებს შემინებული თვალებით უნდა ყურება, რამეთუ ერის შიმშილობაცა და „მადრობაც“, ნაწილობრივ მათზეა დამოკიდებული- ამ ნაკვეთებზე.

უფრო ხელმისაწვდომი რომ გამხდარიყო ჩემთვის რეალური სურათი, თუ რა ხდება გლეხის ცხოვრებაში, რა უხარია, რა წყნია, რას ფიქრობს ის იმ საქმეზე, რომელიც მასთან არის უშუალო კავშირში და შესისხორცებულია მასზე, ასეთი რამ მოვიფიქრე : ისედაც პატარა საქართველო მისი ერთი „ტორი“ მოსახლეობით, ერთ პატარა უბნად გადავაქციე და ხალხსაც ერთ „მუჭში“ მოვუყარე თავი. ეს გადაწყვეტილება იმით იყო მოსაწონი, რომ კვლევის შედეგად მიღებულ პატარა სურათს, გააღვივებ-გაშლი და თვალწინ წარმოგიდგება სურათი, თუ რა მდგომარეობაა მთლიანად საქართველო იმ სფეროში, რომელშიც გლეხი ადამიანი მოღვაწეობს და რომლის მოღვაწეობაზეც არის დამოკიდებული ერის გამოკვება იაფიანი და ხარისხიანი პროდუქციით, თუ კი ეს რა თქმა უნდა სახელმწიფოს ინტერესშია...

რადგანაც ხენა-თესვის პერიოდი, მოდი და დავიწყეთ ხენა-თესვით... ჩვენი დაკვირვების ადგილი არის სოფელ ნატანების ერთი პატარა, ლამაზი კუთხე, ადრე 12-ე ბრიგადად წოდებული, მათზე მიმაგრებული- „ჭახვათად“ ცნობილი საყანე ფართობებით...

სანამ უშუალოდ გლეხამდე მივიდოდეთ, მინდა თქვენს ყურადღება მივიქციო ერთ ფაქტზე : ვერ გაეცა ვერც გლეხი და ვერც მთავრობა იმ რეალობას, რომ ერთმანეთთან ვერ თანამშრომლობენ „შუამავლების“ გარეშე, რომლებზეც პირადად გლეხობა მუდამ უკმაყოფილოა. ეს შუამავლებია ადამიანები:

I - ვისაც შემოაქვს ქართულ ბაზარზე საწვავი...

II - ვისაც შემოაქვს მინერალური სასუქები...

III - ვისაც ევალება გლეხობას ტექნიკით მოემსახუროს- მექანიზატორები...

დიახ, საწვავიც, სასუქიცა და ტექნიკაც, ბაზრისებური ფორმის გახდა, რომელიც ყოველ წელს, მეტი მონდომებითა და დაუნდობლობით ყულფივით უჭერს გლეხობას კისერში და აღრჩობს...

გლეხობასთან საუბრის შემდეგ, უფრო ნათელი გახდა მათი სატკივარიცა და გაიშვიათებული სიხარულიც...

ერთი რამ ნამდვილად ღიმილის მომგვრელია, თუ არა სასაცილო...

რა? ახლავ ვიპასუხებთ, თუ რა პასუხს ცემენ იმ სამი დაწესებულების თანამშრომლები გლეხობის პრეტენზიებს გაძიებულ ტარიფებზე, რომლებიც მათ მუშაობას უშედეგოს და არა მომგებიანს ხდის, მომსახურების სიძვირის გამო...

ვისაც საწვავი შემოაქვს, ამბობს, რომ მსოფლიო ბაზრის ღირებულების სტანდარტს იცავს...

ვისაც სასუქი შემოაქვს, იგივეს ამბობს...

მექანიზატორებიც უჩივიან ფასების ზრდას საწვავზე, სათადარიგო ნაწილებზე და ა.შ...

ჯამში, მათთან საუბარი მთავრდება ასეთი



მნიშვნელობის მქონე წინადადებით :
„- გიჟები ხომ არა ვართ, ტყუილ-უბრალოდ ვიმუშაოთ?“

რა გამოდის? მხოლოდ გლეხი შეგვრჩა ხელში გიჟად შერაცხული...

არ ვიცი რა ხდება ზემოთ, სადაც „ნავთობის“ ხაღხია და ცოტათი ქვემოთ, სადაც „მინერალები ილექება“, მაგრამ ახლოსა ვარ მექანიზატორებთან, რომლებსაც ყოველი სათადარიგო ნაწილი 40-50%-ით გაუძვირდათ, ვიდრე 3 წლის წინათ იყო. ეს სიმართლეა და ისიც სიმართლეა, რომ მათი მოთხოვნილი თანხით ინარჩუნებენ იგივე მოგებას, რაც ადრე გააჩნდათ... არაფერი მეტი...

აი, ასეთი სურათი მივიღეთ : ნავთობის, მინერალისა და მექანიზაციის სიძვირე, მთელი სიმძიმით დაწვა გლეხის თოხის ტარს, რომელიც წელში მოიხიჩქა და ჭრიალი დაიწყო. ამ ჭრიალს გარდაუვალად მოყვება ამ ტარის გადატეხა, რომლის თავზეც მოყრილი პრობლემების სიმძიმის ქვეშ, მხოლოდ გლეხი გაისრისება და მას მთელი საქართველოც ზედ მიჰყვება.

მთავრობა- მთავრობაა, რომელსაც „თოხის“ გარდა, სხვა ბევრი პრობლემებიცა აქვს: არაკეთილ მოსურნე მეზობლები და არა მეზობელი, რომლებიდანაც ყოველ წუთს რაღაცას ცუდს უნდა ველოდოთ; წართმეული ტერიტორიები; „ფარსადანებით“ სასვე საქართველო; ათობით „საუკუნის პროექტი“... ეს გასაკვირა, მაგრამ ვერ გამოიგია ერთი რამ, მას-მთავრობასა და გლეხობას შუა მყოფები, თუ მდიდრებიან ამავე გლეხობის ხარჯზე, რატომ არის ეს გლეხი კაცი უიმედობის ზღვარს მიმდგარი? არა სიღარიბის, არამედ უიმედობის ზღვარს მიმდგარი...

ღარიბი კაცი, უიმედო კაცზე ბევრად მდიდარია; მას იმედი აქვს, რომ ოდესღაც გამდიდრდება, ხოლო უიმედო ადვილად ნებდება და ბრძოლის უნარს კარგავს...

„ჭახვათის“ ტერიტორიაზე არსებული 32 საყანე ფართობიდან, მხოლოდ 10 არის დამუშავებული-30%... ვერ გამოიგია მდიდრების პოლიტიკისა, თუ გლეხმა საერთოდ მიანება თავი ყანას, მერე ვისლა უნდა მიჰყიდონ ის საწვავი და სასუქი, რომლითაც დღეს მდიდრებიან?..

თუ საქართველოს, ჭადის მარაგის 30% პროცენტი შემორჩება გასულ წელთან შედარებით, ეს აუცილებლად გამოიწვევს ქალაქის მოსახლეობის უკმაყოფილებას, რომელიც უცოდველ გლეხს დაადანაშაულებს, როცა უახლოეს პერიოდში- ბაზარში, ჭადსა და ყველს ერთი და იგივე ფასი ექნება...

გლეხობასაც გააჩნია შიგა პრობლემები. ისინიც სამ ნაწილად დაიყვნენ :

I - შრომის მოყვარე გლეხობა...

II - გაზარდებული გლეხობა...

III - მიგრირებული გლეხობა...

ფაქტი-ფაქტია. მშრომელი გლეხი, გლეხობის მხოლოდ 50%-ს შეადგენს... თოხის

გადაცემის რიტუალი ნელ-ნელა ფასს კარგავს და ქრება... გარკვეულ წილად, ამას დროის ცვლილებამაც შეუწყო ხელი, მაგრამ რეალობა ასეთია- მომავალ თაობას არ უყვარს მამიდან შვილზე „მემკვიდრეობით“ გადაცემული თოხი. მათი უმეტესობა დღეს უსაქმურია. მათ ნამდვილად არ გააჩნიათ დროის იმ მონაკვეთის დეფიციტი, რომელიც ყანის დამუშავებასა და პატრონობას ჭირდება. ადრინდელი გლეხის ეზო სასვე იყო შინაური ფრინველებითა და საქონლით; დღეს კი, ავერ-ვერ თუ დაინახავ ვინმეს ეზოში „დედლების ნაკლებობის გამო დამწუხრებულ მამალს“... გაქრა საჭმელი და მომრავლდა მუქთა მჭამელი... მათ საყვარელ საქმეს მთავრობის ლანძღვა წარმოადგენს, რომელმაც „თოხი არ დაიკავა ხელში და არ იმუშავა მათ მაგიერ...“ ისინი არც იაფობის შემთხვევაში იქნებოდნენ საყანე ფართობების მპატრონებელი და პროდუქციის მწარმოებელი...

რა თქმა უნდა, დაუმუშავებელი ყანების რაოდენობის სიმრავლეში, თავისი სიტყვა თქვა მიგრირებული მოსახლეობის სიმრავლემაც...

ყანა, ეს ყველაზე ხელმისაწვდომი და პრიმიტიული საქმიანობაა გლეხისთვის, რომელიც დღეს ხელმოწყვდომელი და ურთულესი პრობლემა გამხდარა მისთვის. ჩვენ იმ გლეხ კაცზე ვლაპარაკობთ, რომლის ეზო სასვეა ციტრუსით, კივიტით, ათობით სახეობის ხეხილითა და შესაბამისად, სასვეა მისი ეზო პრობლემებით. ხეხილს, რომლითაც ის თავს უნდა ირჩენდეს, ათჯერ მეტი პატრონობა და „ფულიანი კომბინაცია“ ჭირდება, ვიდრე უბრალოდ ყანას და ამ პრობლემების „მისამართი“ მისთვის უცვლელი რჩება : მთავრობა, საწვავი, სასუქი და მექანიზაცია.

მექანიზაცია... ისიც 3 ტიპის აღმოჩნდა ისედაც პრობლემებიდან დაბნეული გლეხისთვის...

I - მექანიზაცია, რომელიც გლეხის ოცნებაში არსებობს მხოლოდ- იაფიანი და ხელმისაწვდომი...

II - მექანიზაცია, კერძო მესაკუთრების ხელქვეშ...

III - ამერიკის დანამარების შედეგად-უსაი-დი-ს მანქანა-ტრაქტორთა სადგომები, რომლებიც გაანგარიშებულია დაეხმაროს მოსახლეობას ხენა- თესვაში...

ჩამონათვალიდან პირველი- ოცნებაზე დაფუძნებული, ოცნებაშივე რჩება... ოცნებაზე ფერი არ გააჩნია და ვერავინ ხედავს, რომც უნდოდეს დაინახოს რაზე ოცნებობს სხვა... ხოლო, თუ არც გსურს დაინახო, მითუმეტეს უხილავია...

რაც შეეხება მეორე ვარიანტს, გვექონდა უკვე საუბარი და ტრაქტორთა კერძო მესაკუთრებებს, განაცხადეს, რომ „სამინელი სიძვირის გამო საწვავსა და ტრაქტორთა სათადარიგო ნაწილებზე- განსაკუთრებით საბურავებზე, თუ ფასები არ წამოწიეს, მათი მუშაობა უაზრობას უტოლდება“, ხოლო ეს უაზრობა, როგორც თვითონ აღნიშნეს, სახლში მიტანილი, „არც ცოლმა შეჭამა ძამა და არც ბაღანამ...“

მესამე ვარიანტის გარკვევაში, თუ რამდენად მომგებიანია გლეხისთვის ამერიკელთა მიერ „უსაიდი“-ს პროგრამით დაარსებული მანქანა-ტრაქტორთა სადგომები, ერთ-ერთი ასეთი სადგომის დირექტორი- გელა გამყრელიძე და- მენბარა.

სურათი აქაც არა სახარბიელო აღმოჩნდა- გლეხის ინტერესთან შეუსაბამო... გლეხისთვის აქაც სიძვირეა, თორემ გელა, თვითონ არის დაინტერესებული, რომ მისმა თანასოფელმა

გლეხმა შეძლოს და ნაკვეთი როგორმე დაამუშაოს. ხელს უწყობს მათ გადავადებით გადახდაში... ისედაც განახევრებული დახნული ფართობების რაოდენობა, ბევრად ნაკლები იქნებოდა, რომ არა მისი ანგარიშგაწევა გლეხობის მიმართ...

რაც შეეხება კონკრეტულ ფასს, როგორც ბატონმა გელამ აღნიშნა, განსხვავება უმნიშვნელოა და ბევრი ჯაფაც უწევს, რომ ეს ტექნიკა როგორმე ამუშაოს, მათი ექსპლუატაციის სიძვირის გამო...

ისიც უნდა აღნიშნოთ, რომ გელას მიერ შეთავაზებული დანხრება ოდნავ ნაკლებ ფასში, ბევრად ხარისხიანია და გლეხისთვის უფრო მისაღები, ვიდრე იმ პირთა, რომლებიც კერძო ტრაქტორებს ფლობენ...

პრობლემები იქნება და ის იმისთვის არის საჭირო, მთავრობამ უკარნახოს გლეხს გზა ამ პრობლემების გადაჭრისკენ. მე პირადად წლების წინ ვხვდებოდი, რომ ეს დრო დადგებოდა და „გლეხი იყვირებდა“. მიფიქრია იმაზეც, იყო, თუ არა გამოსავალი ამ მდგომარეობიდან? გამოსავალი არსებობს და თანაც ჩინებული: როდესაც ყველა მივა იმ დასკვნამდე, რომ ყანა წამგებიანია გლეხისთვის, დავეხმაროთ მათ და იმ ფართობებზე გავაშენებინოთ ისეთი კულტურა (კივი, თხილი), რომელიც მათთვის მომგებიანი იქნებოდა და არა დაგაბნით ისედაც დაბნეული გურული გლეხი და შევთავაზოთ „ჩვენებური-გურული ჯიშის საფიქრალის ნაცვლად, „ამერიკული“ საფიქრალი და სადარღებელი...

არავითარ შემთხვევაში არ უნდა დავუშვათ, რომ გლეხობამ საყანე ნაკვეთების გაყიდვა დაიწყოს. ეს სამომავლო ტრაგედია იქნება, გზას გაუკაფავს უმუშევართა რიცხვის ზრდას იმ ადგილებში, სადაც ამაზე ფიქრიც აბსურდული უნდა იყოს... დავეხმაროთ გლეხებს და სხვა- მომგებიანი საქმე დავაწყებინოთ მისავე ნაკვეთებზე, თუკი სიმინდი წამგებიანია...

და კიდევ ერთი რამ... რაც არ უნდა მომგებიანი საქმე არ უნდა შევთავაზოთ გლეხებს ყანის მაგიერ, ყველანაირად უნდა შევუწყოთ ხელი, რომ მთლიანი ყანა თუ არა, მისი ნაწილი მაინც შეინარჩუნოს. ყანა არა მარტო მისი ცხოვრების, არამედ გურიის სტუმარ-მასპინძლობის ისტორიული ძეგლია. არ არსებობს ქართველი ადამიანი, რომელსაც არ გაეშნოს პურმარული გლეხის ოჯახში და თუ გაიხსენებს კეპების ჩამონათვალს რაც მაგიდაზე ელაგა, ყველაზე გემრიელი-გემრიელთა შორის დაწვებული ხაჭაპურიდან-დამთავრებული მწვადით, იმით იყო მაგიდაზე, რომ იმ გლეხის ოჯახში იყო სიმინდი. სიმინდის მარცვლით დაზრდილი ფრინველ-ცხოველი, იაფიანიცაა, ეკოლოგიურად სუფთაც და ბევრად გემრიელიც. ასე რომ ამ სიმინდით გლეხი არა მარტო ოჯახსა და სუფრის სიღამაზეს ინარჩუნებს, არამედ გურიის ისტორიასაც. „შავი ადესა“ მეგობრები, იმ შემწვარ გოჭსა და მოხარულ დედალს შევნიხა, რომელიც ჩვენებური სიმინდის „კაკალზე“ იზრდება და არა ხინკალსა და შაურმას. სადაც გურული გლეხია, იქ ჭადია; სადაც ჭადია, იქ „ადესა“. ამ სამიდან ერთის გადაშენებაც კი, სამთავეს გადაშენებას გამოიწვევს...

როდესაც კინოფილმ „შერეკილებს“ ვუყურე, გულში ჩამებეჭდა ფილმის ფინალი, როცა შემთხვევითობის შედეგად, „ზემოთ“ მოხვედრილი ერთოხი სიმღერას იწყებს და ბანი, რომელსაც ქვემოდან გლეხობა აძლევს- ბანი, რომლითაც ფილმი ლამაზდება და მისით მთავრდება... არ ვიცი, რამდენად შემთხვევით არიან სულ ზემოთ მოხვედრილები, მაგრამ ის სამი ზედა საფეხური, რომელიც მთავრობასა და გლეხობას ერთმანეთს აშორებს, რეგულარულად უნდა მოწმდებოდეს მთავრობის მიერ და უნდა „იფილტრებოდეს“, როგორც საწვავი და სასუქი იფილტრება, თორემ „ჯიბე გაფილტრული“ გლეხობით, სახელმწიფო წინ ვერ წავა... ერთოხის სიმღერას რაც შეეხება, ნამდვილად ლამაზად მღერის, მაგრამ უფრო ლამაზდება მისი უღერადობა, ქვემოდან- გლეხებიდან მიცემული ბანის შემდეგ... თუ გლეხები ბანს არ იძლევა, სახელმწიფოს მიერ ერთ ხმაზე ნამღერი სიმღერა, ნაკლებად სასიამოვნო მოსასმენი იქნება მსმენელთათვის...



არა – ჟურნალისტებზე ძალადობას!!!



25 მაისს, ქ. თბილისში და საქართველოს სხვა ქალაქებში ერთდროულად გაიმართა ჟურნალისტთა სოლიდარობის აქცია „არა-ჟურნალისტებზე ძალადობას!!!“

ქ. ოზურგეთში რეგიონის მედიასამსახურების ჟურნალისტები საქართველოს დემოკრატიული ჩართულობის ცენტრში შეიკრიბნენ და თანხმდნენ მოსაზრებები გამოთქვას საქართველოში ჟურნალისტებზე ზეწოლის და ძალადობის ფაქტების გამო.

ჟურნალისტები საუბრობდნენ იმ მიზეზებზე, რამაც კიდევ უფრო გაართულა მათი პროფესიული მოვალეობის შესრულება. საქართველოს სხვადასხვა რეგიონში ჟურნალისტებზე განხორციელდა ძალადობის ფაქტები, რომელთაგან დღემდე არცერთი გამოძიებული არ არის.

ჟურნალისტებთან ერთად თავი-

ნთი მოსაზრებები გამოთქვას და მათდამი მხარდაჭერა გამოხატეს „ახალგაზრდა მეცნიერთა კლუბის“ თავმჯდომარე მინდია სალუქვაძემ და საქართველოს დემოკრატიული კავშირის თავმჯდომარე ლევან ხინთიბიძემ.

ამერიკის შეერთებული შტატების სახელმწიფო დეპარტამენტის 56-გვერდიან ანგარიშში აღნიშნულია, რომ საქართველოში მედიანზე ხელისუფლების პირდაპირი თუ არაპირდაპირი გავლენა კვლავ შემფრთხილებს სახელმწიფო დეპარტამენტისათვის შემდეგ გაზეთების „ალიონის“, „გურია ნიუსის“, „გურის მოამბის“, ტელეკომპანია „გურია“ და რადიო „იმედის“ ჟურნალისტებმა „ჭადრების ბაღში“ საპროტესტო აქცია გამართეს.

ოზურგეთის მუნიციპალიტეტის საგარეო თეატრის კოლექტივი ბილოცავთ ბავშვთა დასვის საერთაშორისო დღეს!



ბისურვით ბაფნიარ ბავშვობას, უღრუბლო ცას და ლაგაზ მოგაპალს!

1 ივნისს საბავშვო თეატრი შემოგთავაზებთ შემდეგ სპექტაკლებს:
 12 სთ. მ. ანთაძის „ნაცარქექიას ახალი თავგადასავალი“
 14 სთ. სუპონინის „ბუტია“
 16 სთ. მასლოვის „აბეზარა“
 დასწრება უფასო.

იყიდება
 4 თვალი წაბლის ოდა-სახლი. (დასაშლელი, სხვა ადგილზე დასადგმელად).
 მის. ქ. ოზურგეთი, სახოკიას ქ. №15
 დაგვიკავშირდით: (599) 22 62 90

„ოქტომბრის შედეგ ბურიაში ცხოვრება იქნება ღირსეული“

ნიკო ნიკოლაიშვილი



ოზურგეთში შეკრებილ მხარდამჭერებს კოალიცია „ქართული ოცნების“ წარმომადგენლები, პ/გ „თავისუფალი დემოკრატიის“ ლიდერი ირაკლი ალასანია; ეროვნული ფორუმის გამგეობის წევრი გუბაზ სანიკიძე; რესპუბლიკელთა გამგეობის წევრი, გურიის მხარის კოორდინატორი კოალიციიდან დავით ბერძენიშვილი შეხვდნენ. დიდი ოვაციებით მიიღეს სტუმრები დედაქალაქიდან, თეატრის ხალხმრავალ დარბაზში. ღონისძიება დავით ბერძენიშვილს მიჰყავდა. რომელმაც თავდაპირველად ოზურგეთის შტაბის მუშაობაზე გაამაზებინა ყურადღება, შემდეგ კი ნაციონალურ მოძრაობას შეახსენა, თუ ჭკუით არ იქნებოდა და დროულად არ დატოვებდნენ ნაცმოძრაობას, სააკაშვილის წასვლის შემდეგ ისინიც ისევე დაიშლებიან და გაქრებიან პოლიტიკური სივრცეიდან, როგორც შევარდნაძის მოქაყშირი და ასლან აბაშიძის აღორძინება, თუმცა, ბერძენიშვილის ამ გამოხვლას იქვე მოჰყვა რეპლიკა: „არსად გამქრალან, საკუთარი კეთილდღეობისათვის მშვენიერად მოიკალათეს ნაცმოძრაობაში. ახლა ალბათ არც ოცნებაში გადაბარებულა შექმლულა ხელი“.

ბერძენიშვილის თქმით, სააკაშვილი არ აღმოჩნდა ხალხის მანდატის ღირსი, რომელიც წამოგორ რუსეთის პროვოკაციას, რის გამოც ორი დიდი რაიონი დაკარგა საქართველომ. კოდორის ხეობა, ახალგორი და საქართველოს ახალი საზღვრები დაულო.

– „თავდაპირველად სააკაშვილმა მართლაც მიიღო ხალხის მანდატი, მაგრამ ის არ აღმოჩნდა ამ მანდატის ღირსი. წამოგორ რუსეთის პროვოკაციას. მერე რა მოხდა, ორი რაიონი დაკარგულ – თქვა სააკაშვილმა, სამაგიეროდ აჭარა გვექონდა დაკარგული და ის დავიბრუნეთ. ეს, ამ დიდ ტრაგედიასთან ერთად, აჭარელი ხალხის უდიდესი შეურაცხყოფაა. მისთვის აფხაზეთი და სამაჩაბლო საქართველო არ არის, ჩვენთვის საქართველოა. მან ახალი საზღვრები დაულო ჩვენი ქვეყანას. სახიფათოა სააკაშვილი, რომელიც მზად არის ხელისუფლების შესანარჩუნებლად ტერიტორიები დაკარგოს.“

შემდეგ გამომსვლელმა გასულ საპრეზიდენტო არჩევნებზე და მიმდინარე შეხვედრებზე ისაუბრა, ახალი გამოწვევაც შეახსენა გურულებს და აღნიშნა, რომ გურია პირველი რეგიონია ქვეყანაში წინა საპრეზიდენტო არჩევნების შედეგებით. – „საკაშვილმა თბილისში ხმათა 31% წაიღო, გურიაში 39%. ამჟამადც ხალხით გადაჭედულ დარბაზებში უწყვეტ შეხვედრა, ყველაგან, რომელთა რაოდენობა თანდათან იზრდება.“

შემდეგ სცენაზე ანსამბლ „ქართული ხმების“ ხელმძღვანელი, მომღერალი თემურ ჭკუასელი გამოვიდა. მან გაიხსენა ყინვიანი ზამთრის შეხვედრა ოზურგეთის თეატრში, რომელიც მხოლოდ მაღლიანი ხელოვნებისა და ადამიანური ურთიერთობებით იყო გამთბარი. ისაუბრა გურულთა ნიჭიერებასა და სტუმართმოყვარეობაზე. მერე ბავშვის მანიფესტი გაიხსენა, რომელთა მოთხოვნაც იდენტური იყო დღევანდელი მოთხოვნებისა: უფასო სწავლება, სიტყვის, პრესის თავისუფლება, გაზრდილი გადასახადების შემცირება...

მელექტურის სკოლის ყოფილმა დირექტორმა, პუბლიცისტმა ნათელა თოხაძემ მოუწოდა კოლეგებს – „ნუ მიიღებთ ფარსში მონაწილეობას, ნუ გავხდებით ხელისუფლების მონები“

ამ ხანში გამომსვლელებს ირაკლი ალასანია შემოუერთდა, რომელმაც ივანიშვილისა და „ქართული ოცნების“ სამომავლო გეგმებზე ისაუბრა, იმ საკითხთა მოგვარებაზე, რომელთა განხორციელებასაც ისინი ხალხს პირდაპირ ოქტომბრიდან, კოალიციის ხელისუფლებაში მოსვლის შემდეგ. მანვე მიმართა და თავშეკავებისკენ მოუწოდა ძალოვანთა

იმ ჯგუფებს, რომლებიც მისი თქმით, ღამით მიდიან და ავიწროებენ მათ მომხრეებს.

– „მე აქ თავს ვგრძნობ, როგორც საკუთარ სახლში. ჩემი დედულე თუ აბი. მინდა იცოდეთ, რომ ბიძინა ივანიშვილი უდიდეს ყურადღებას უთმობს როგორც მთელი ჩვენი ქვეყნის, ასევე გურიის აღორძინებას. ეს ულამაზესი კუთხე, ამჟამად უპატრონოდ მიგდებული, ოქტომბრის შემდეგ დადგება ფეხზე და გურიაში ცხოვრება იქნება ღირსეული.“

– ქართული ოცნება ნიშნავს წელში გამართულ გლეხს, რომელსაც მიწა ექნება საკუთრებაში; სოფლის მეურნეობაში ჩადებულ მილიარდიან ინვესტიციას; განათლებისა და ჯანდაცვისათვის გაორმაგებულ ბიუჯეტს;

ყოველი სახელმწიფო იმით ფასობს, თუ როგორ უვლის ვეტერანებსა და პენსიონერებს. საპენსიო რეფორმა იმ გვერდის მიხედვით განხორციელდება, რაც ჩვენმა კოალიციამ შევქმნივეთ. პენსია განისაზღვრება მინიმუმ საარსებო მინიმუმით (220 ლ.), რასაც დამატება წელთა ნამსახურება.

თითოეული ჩვენთაგანი იქნება დახვეწილი ექიმით, წამლით და ამის განხორციელებას ჩვენ გპირდებით.

ალასანიამ ისაუბრა სამართლებრივი სახელმწიფოს ფუნქციაზე, რომლის შექმნაზე, მისივე თქმით, თავიდანვე ოცნებობდა ბიძინა ივანიშვილი და მის განსახორციელებლად უამრავი სახსარი ჩალო.

– ჩვენთან სამართალს კაცი ვერსად იპოვის. უამრავი სახსარი ჩალო ბიძინამ თავდაცვისა და პოლიციის გაძლიერებაში, რითაც თავს იწონებს სააკაშვილი. ჩვენ პატივს ვცემთ პოლიციას და ჩვენს ჯარისკაცებს, მაგრამ არავის ვგონობ, ბოროტების და ძალადობის სამსახური ისე არ ჩაივლის, პასუხი არ მოეთხოვით. საუბარია კულ-ის ერთ ვიწრო ჯგუფზე, რომლებიც მიპარვით, ღამით ავიწროებენ ჩვენს მოქალაქეებს.

ისტორიულ-ლიტერატურული და დღევანდელი ერთობლივი მიმოხილვით გამოვიდა გუბაზ სანიკიძე ოზურგეთელთა წინაშე და ქართველი ერის დიდ ისტორიულ მემკვიდრეობასა და დანიშნულებაზე ისაუბრა, რომელიც მისი თქმით, დღეს დიდ საფრთხის წინაშეა, რადგან სახელმწიფოა მასხინჯი და უსამართლო

– დიდ გამოცდას გაუძლო საქართველომ ამ ოცი წლის განმავლობაში. ჯვარცმას ყოველთვის აღდგომა მოსდევს და ჩვენც აღდგომას ველოდებით ჩვენი ქვეყნისა. კარგი სამშობლო გვაქვს, მემკვიდრეობა დიდი, მაგრამ სახელმწიფო გვაქვს მასხინჯი. სახელმწიფოსთვის უმთავრესია ღირსება და სამართალი, ჩვენთან კი სამართალმა პური ვერ ჭამა. საქართველოს დღეს მართლაც ის პოლიტიკური გუნდი, რომელიც არა შეცდომისა და უმეტრების გამო არბევს სახელმწიფოს, არამედ მიზანმიმართულად, შინაარსობრივად ანგრევს ეროვნულ სახელმწიფოს. მამული, ენა, სარწმუნოება – ჩვენ ენერგას ვიღებთ ამ მიწისგან. ენა ჩვენი ცივილიზაცია და კულტურაა. ამ დროს კი – გაიწიე ქართული ენა და გზა დაუთმე ინგლისურსა და ჩინურს. რწმენა ჩვენი გადარჩენაა.

ჩვენ მიგვაჩიეის სიცრუესთან და ბოროტებასთან თანაცხოვრებას.

ერთად დგომისკენ მოუწოდა „ქართული ოცნების“ ოზურგეთის შტაბის თავმჯდომარე კოტე შარაშენიძემ მხარდამჭერებს და შეხვედრაზე მოსვლისათვის მადლობა გადაუხადა. ისაუბრა თეატრალურ მოედანზე, რომლის სახეცვლილებასაც, ისევე როგორც ყველა სხვა საკითხის გადაწყვეტას გურიაში, მისი თქმით, ერთი კაცი განაგებს მხოლოდ და იგი რამაზ ნიკოლაიშვილია.

მიმასთან შეხვედრაზე ხალხი ძალიან იყო მიყვანილი, დღეს კი თქვენი აქ მოსვლით დაადასტურეთ თქვენი მხარდაჭერა – თქვა მან.



23/05/2012 14:18

საპატრონო ცენტრები ოზურგეთში XIX საუკუნეში

სიმღერა



სოლომონ ჩიქვაშვილი



იაკობ შვეტსი

მოპირკეთება, გურიის სავაჭრო ფირმა "შამკალის" ერთ-ერთი დამარსებელი. სოლომონ ჭიჭიშვილის სახელით მიიღო განათლება საზღვარგარეთის უმაღლეს სასწავლებელში მისმა უახლოესმა ნათესავებმა და თემის რამდენიმე ახალგაზრდამ. (ე. გოგუაძე, „ასკანის ქვეყანა“).

სოლომონ ჭიჭიშვილი დაკრძალულია თბილისში, ვერის ძველ სასაფლაოზე.

ასეთივე ცნობილი მრეწველი იყო - ი.შვეტსი (1854-1931), მან წერა-კითხვა ოჯახში შეისწავლა, დაამთავრა ქუთაისის რეალური სასწავლებელი, შემდეგ ოდესის კომერციული ინსტიტუტი. მუშაობას იწყებს პეტერბურგში. თანამდებობა-რუსეთის დიპლომატიური მისიის ფოსტა-ტელეგრაფის სააგენტოს უფროსი. 1880 წელს ინიშნება რუსეთის წარმომადგენლობის უფროსად პოლონეთში, შემდეგ ირანში, შემდეგ ინგლისში. დაჯილდოებული იყო ალექსანდრე III ბრძანებით ანდრია პირველწოდებულის მედლით, ნიკოლოზ II ბრძანებითი წმ. გიორგის ოქროს ჯვრით. 1918 წლიდან დამკვიდრდა ასკანაში. სოფელში ჩამოსვლისთანავე დაარსა ფოსტა-ტელეგრაფი, მორზეს ანბანი, გამართა გურიაში პირველი სატელეფონო სადგური ასკანის თემში. მისი სახელს უკავშირდება ჩაის კულტურის განვითარება. იყო ცნობილი ქველოქმედი, აფინანსებდა აკადემიკოსი ვლ. ჟღენტის და მხატვარ დიმიტრი შვეტსის სწავლას. 1931 წელს ჩავარდა მატარებლის ბორბლების ქვეშ.

ცნობილი პიროვნება და საქმოსანი იყო ვანისქედის მკვიდრი გიგო ასათიანი, ოზურგეთის სავაჭრო სახლის „შუამავლის“ წარმომადგენელი რუსეთის ქალაქების ვაჭრებთან, თურქეთის ქალაქების სავაჭრო სახლებთან. არაერთი ადამიანი იყო მისგან დავალებული სიცოცხლითა და სამსახურით დედაქალაქშიც.

მარიამ ღლონტი,

ოზურგეთის ისტორიული მუზეუმის

ეკლენა ლევან აბაშიძის ხსოვნას

მონსტრები ალაგებენ პაიკებს, ბიჭები მიდიან ოშში, ეშმაკი მაკრატლით გვაჭრის უბეღელს ლამაზ ფესვებს. მონსტრები ალაგებენ პაიკებს, მოკლავენ ლევანს, სულხანს და ვაკოს ამირანს კორტინან თვალებს ლამაზი შვილების გამო. მონსტრები ალაგებენ პაიკებს, გვიკლავენ გულად კაცებს, თელავენ სულის ბაღებს და გვიინებენ ხატებს. მონსტრები ალაგებენ პაიკებს, იფხიზლე ქართველო ვენო! იფხიზლე ქართლის დედავ! იფხიზლე საქართველო! მონსტრები ალაგებენ პაიკებს, სისხლი წყურიათ მონსტრებს, ლამაზი ბიჭების სისხლი ლექსებს რომ კითხულობენ.

ნამდვილი კაცების სიმღერა

რა გამაჩერებს, როცა ვიცი მივინებ ხატებს, რა გამაჩერებს, როცა ვიცი ნამუს ახლიან ქალს, რა გამაჩერებს, როცა ვიცი სადღაც მოკლავენ ბავშვს. რა გამაჩერებს, როცა ვიცი შიმშილობს დედა რა გამაჩერებს, როცა ვიცი ეშმაკი ანგელოზს კლავს, რა გამაჩერებს, როცა ვიცი მოკვდები ხვალ. რუსულან მებრალიზილი.



ბაზრობაზე დიდძალი ხალხი იკრიბებოდა. გურულ გლეხს გასაყიდად გამოჰქონდა სასოფლო-სამეურნეო პროდუქტები, ხელოსნური შინამრეწველური ნაწარმი.

1839 წელს რუსეთის ხელისუფლებამ დავაზუს ბაზრობა გააუქმა და ოზურგეთში გადმოიტანა. (ე. გოგუაძე „სოფ. დავაზუს ისტორია“).

ადგილობრივ ბაზრობებზე გაწაფული ვაჭრები თურქეთის, რუსეთის და ევროპის ქალაქებში გადიოდნენ სავაჭროდ. ოზურგეთში XIX ს. რამდენიმე ოზურგეთელი მრეწველი და ვაჭარია ცნობილია.

ერთი მათგანი ვახლავთ სოლომონ ჭიჭიშვილი (1851-1925), სოფ. ასკანის მკვიდრი. მან მღვინეობა საფრანგეთში შეისწავლა. ქ. ბორდოში და შამპანში ეუფლებოდა ღვინის ჩამოსხმის ვერობულ კულტურას. მან ბორდოში შეიძინა მუხის კასრების მასალა. ყურძნის საწნეხი აპარატი, ათასობით ბოთლი, დაამზადებინა ეტიკეტები და ყველაფერი ასკანას, თავის სახლში ჩამოიტანა. გამართა ღვინის ჩამოსხმისათვის საჭირო ტექნიკური მოწყობილობა და ხელი მიჰყო ღვინის წარმოებას. ევროპული და ქართული წესების შერწყმით ჩამოსხმული ღვინო სოლომონს „ძმები ჭიჭიშვილების“ ფირმის სახელით გაჰქონდა ტრაპიზონში, ვლადიკავკაზში, ოდესაში და თვით საფრანგეთშიც კი. სავაჭრო სახლები ჰქონდა თბილისში, ოდესაში, მოსკოვში, ვლადიკავკაზში. სოლომონის მიერ ჩამოსხმული ღვინის ხარისხი რუსეთსა და საფრანგეთში, სხვაგვარა დროს, სხვადასხვა ჯილდოებით აღინიშნა. მათ შორის გამოირჩევა პეტერბურგში გამოფენაზე მიღებული ვერცხლის დიდი მედალი. სოლომონ ჭიჭიშვილის სახელის საპატივცემულოდ ასკანა-ბაზვის არეალში მაღალი ჯიშის ერთ-ერთი ვაზი „ჭიჭიშვილის ვაზის“ სახელით მოიხსენიება. სოლომონი დიდ საქველმოქმედო საქმეს ეწეოდა, მის სახელს მიეწერება ასკანაში შეგნახველ-გამსესხებელი „ამხანაგობის“ შექმნა. ბიბლიოთეკისა და

* დასასრული. დასაწყისი იხ. გვ. „ალიონი“ №17

ნატანების მექანიზაციის ცენტრი გილოცავთ ბავშვთა დაცვის საერთაშორისო დღეს!



ჩვენი მექანიზაციის ჯგუფი მუდამ თქვენს სამსახურში! დამატებითი ფასები, მომსახურების მძვინვარე ხარისხი! მობ: (+995 568) 724 742



თემურ მამულაიშვილი



ორგანოში მუშაობდა სპეციალისტად. თავის მოვალეობას მთელი მონდომებით, კეთილსინდისიერად ასრულებდა. მისი სიტყვა იყო დამაჯერებელი, იმედის მომცემი. კაცობასთან ერად მან დაგვიტოვა ლამაზი ოჯახიც. მრავალტანჯული დედა-ქალბატონი ნელი, განუმეორებელი მეუღლე-ქალბატონი ნინო, შვილები, შვილი-შვილები.

ჩემო თემურ! ბიძაშვილობასთან ერთად ჩვენ ზომ განუყრელი მეგობრებაც ვიყავით. ვერ ვიხსენებ თუნდაც ერთ ფაქტსაც, ჩვენ ერთმანეთისათვის არ მოგვემინოს და არ გავგვეკეთებინოს ის, რისი გაკეთებაც შეგვეძლო. თემურ მამულაიშვილის სახით ჩვენს სოფელს გამოაკლდა მისი სიკეთისათვის თავდადებული მებრძოლი, ნამდვილი ქართველი პატრიოტი. მისი სახელი მუდამ დარჩება ბაილეთელთა მესსიერებაში.

სპარტაკ მამულაიშვილი, ოზურგეთის მუნიციპალიტეტის გამგებლის რწმუნებული ბაილეთში.

პედაგოგთა და მეცნიერთა თავისუფალი პროფკავშირის ოზურგეთის რაიონული ორგანიზაცია უსაზღვრო გულისტკივით თანაუგრძნობს პედაგოგ მამა გოგუაძეს და მის ოჯახს უსაშველო და გაუნებელი ტკივილის-უსაყვარლესი შვილის ბამა ჩხარტიშვილის გარდაცვალების გამო.